

1 Kommentar frå leiinga

Det alminnelege prisreguleringsfond vart oppretta i 1941 med sikte på å få til disposisjon av prisutjamningsmiddel som ikkje var knytte til bestemte bransjar, men som kunne brukast til prisnedskrivning eller for å hindre prisstigning der det ikkje var praktisk å gjennomføre spesielle utjamningsordningar. Fondet var den gong heimla i prislova § 25 og vedtektene er gitt ved kgl. res. av 22. desember 1950. Prislova § 25 vart i 1991 endra ved at det vart gitt høve til å bruke midlar av fondet til andre formål enn prisreguleringsstiltak. Konkurransetilsynet har sidan 1999 vore sekretariat og rekneskapsfører til fondet. Fondet hadde ved overtaking pr 31. desember ei kontantbeholdning på 21,8 mill. kr. og ei renteinntekt på 1,3 mill. kr. Nærings- og fiskeridepartementet vedtok i 2014 nye retningslinjer for fondet, som innebar at midla kunne nyttast til å gi tilskot til forskning om konkurranseforhold og pris- og konkurransepolitiske verkemiddel. Fondet vart omgjort til tilskotsfond, og skulle byggast ned og avviklast. Tildeling har i tillegg til nemnde retningslinje vore regulert av Økonomiregelverkets avgjerder kap. 3 og 6 og forskrift nr. 4316 av 24. januar 1992 om det alminnelege prisreguleringsfond.

Utbetalte midlar var i 2023 på kr. 645 235. Per september 2023 var alle forpliktingar i Prisreguleringsfondet oppgjort og gjenståande behaldning var kr. 168 577. I avtale med Nærings- og Fiskeridepartementet vart resterande behaldning utbetalt til forskingsprosjekt som var tildelt over kap. 0911 post 70. Ved årsskiftet 2023-2024 var det ikkje meir midlar igjen i fondet og fondet vart avvikla. Behaldninga ved avviklinga av fondet 31.12.2023 bestod av renteinntekter på kr. 9 897 som vart overført til statskassa.

Alle prosjekta i Prisreguleringsfondet er avslutta og nærare omtalte i vedlegg, og dessutan Konkurransetilsynets årsmelding del 3.

Årsrekneskapen er i samsvar med "Bestemmelser om økonomistyring i staten", og krav frå NFD i retningslinjene til fondet. Rekneskapen gir eit dekkande bilete av disponible løyvingar, rekneskapsførte utgifter, inntekter, egedelar og gjeld som fondet har. Riksrevisjonen er ekstern revisor og stadfestar årsrekneskapen for det alminnelege prisreguleringsfondet. Årsrekneskapen er ikkje ferdig revidert per no. Revisjonsmeldinga som i tillegg vil gjelde rekneskapen for Konkurransetilsynet, er forventa å vere klar innan mai 2023. Revisjonsmeldinga er unnateke offentlegheita fram til Stortinget har motteke Dokument 1 frå Riksrevisjonen. Dokumentet blir publisert på Konkurransetilsynets sine nettsider når dokumentet blir offentleg.

Bergen, den 15.mars 2023



Tina Søreide

konkurransedirektør

2 Oppstilling av løyingsrapportering med noter

Prinsippnote for løyingsrapportering

Årsrekneskapen for det alminnelege prisreguleringsfondet er utarbeidd og avlagt etter nærare retningslinjer fastsett i "Bestemmelser om økonomistyring i staten". Årsrekneskapen er i samsvar med krav i føresegnene i punkt 3.4.6 og Finansdepartementets rundskriv R-115 av desember 2022.

Det alminnelege prisreguleringsfondet vart oppretta ved avsetning av avgifter som følge av prisregulering. Fondet er gruppert til å vere eit B2.3 fond, eit fond med middel som ikkje kan reknast som aktivum i kapitalrekneskapen, men som statlege styresmakt har rett til å disponere. Det alminnelege prisreguleringsfondet er ein formuemasse (kapital) som i rekneskapen er skilt frå dei andre midla til staten, og der brukar er bunde til eit nærare fastsett formål med varigheit utover eitt budsjettår. Fondet har ei forenkla rapportering til statsrekneskapen. Betalingsformidling skal gå føre seg gjennom konsernkontoordninga frå staten og likvidane skal oppbevarst på oppgjerskonto i Noregs Bank. Behaldning på oppgjerskontoar blir overførte til nytt år.

Løyingsrapporteringa

Øvre del av oppstillinga viser kva som er rapportert i likvidrapporten til statsrekneskapen. Likvidrapporten viser saldoen til fondet og endringar i perioden på oppgjerskontoen til fondet i Noregs Bank. Alle finansielle eigarar og forplikningar som fondet er oppførte med i kapitalrekneskapen til staten, blir vist i oppstillingas nedre del.

Oppstilling av løyingsrapportering 31.12.2023

Behaldning rapportert i likvidrapport	Note	Rekneskap 2023
Inngåande saldo på oppgjerskonto i Noregs Bank		645 235
Endringar i perioden		635 338
<i>Sum utgåande saldo oppgjerskonto i Noregs Bank</i>		9 897

Behaldning rapportert til kapitalrekneskapet 31.12.2023

Konto	Tekst	Note	2023	2022	Endring
811502	Behaldning på konto(ar) i Noregs bank		9 897	645 235	-635 338

*Note A utarbeidast ikkje for Det alminnelege prisreguleringsfondet på bakgrunn av at det ikkje blir gitt tildelingar over statsbudsjettet til fondet. Det er berre årlege renteinntekter som blir bokført som inntekter til fondet.

Utbetalte midlar var i 2023 på kr. 645 235. Per september 2023 var alle forplikningar i Prisreguleringsfondet oppgjort og gjenståande behaldning var kr. 168 577. I avtale med Nærings- og Fiskeridepartementet vart resterande behaldning utbetalt til forskingsprosjekt som var tildelt over post 70. Ved årsskiftet 2023-2024 var det ikkje meir midlar igjen i fondet og fondet vart avvikla. Behaldninga ved avviklinga av fondet 31.12.2023 bestod av renteinntekter på kr. 9 897 som vart overførte til statskassa.

2.1 OPPSTILLING AV FONDSREKNESKAP MED NOTER

Prinsippnote til årsregnskapet

Det alminnelige prisreguleringsfondet har rekneskapsførarnummer 811502 og oppgjerskonto 0677 6014 3695 i Noregs Bank. Fondsrekneskapen tilsvara oppstillinga i rekneskapen til verksemda i årsrekneskapen for statlege verksemdar. Fondsrekneskapen er utarbeidd etter kontantprinsippet. Det inneber at inntektene (overføringar til fondet) visast i oppstillinga av resultatet når dei er innbetalt. Utgifter (overføringar frå fondet) visast i oppstillinga av resultatet når dei er utbetalt.

Resultatoppstillinga inneheld alle overføringar til og frå fondet i rekneskapsåret. Periodens resultat er forskjellen mellom overføring til fondet og overføring frå fondet og resultatet viser netto endringar i fondskapitalen. Resultatet er overført til opptent fondskapital i balanseoppstillinga.

Kapitalinnskot eller tilbakebetaling av kapitalinnskot i fondet blir ikkje vist i resultatoppstillinga, men blir ført direkte i balansen mot innskoten fondskapital.

Oppstilling av resultat for PF 2023	Note	2023	2022
<i>Overføringar til fondet</i>			
Overføringar frå andre statlege rekneskap	1	9 897	12 640
Sum overføringar til fondet		9 897	12 640
<i>Overføringar frå fondet</i>			
Overføringar til andre statlege rekneskap	2	645 235	2 296 877
Sum overføringar frå fondet		645 235	2 296 877
Resultat for perioden		- 635 338	- 2 284 237
<i>Disponering</i>			
Overføring av resultat for perioden til opptent fondskapital		- 635 338	-2 284 237

Oppstilling av balanse for PF 2023	Note	2023	2022
<i>Eiga</i>			
Oppgjerskonto i Noregs Bank		9 897	645 235
Sum eiga		9 897	645 235
<i>Fondskapital og gjeld</i>			
Innskot fondskapital	3	21 800 000	21 800 000
Opptent fondskapital	3	(21 790 103)	(21 154 765)
Sum fondskapital og gjeld		9 897	645 235

Note 1

Fondets inntekter består av renteavkastning på behaldning i Noregs Bank. Dette er vist i linja overføringar frå andre statlege rekneskap med kr 9 897.

Note 2

Det er gjort utbetalinger til prosjekt hos følgende mottakere i 2023:

Mottaker	Beløp
Samfunns- og Næringslivsforskning AS*	221 702
Handelshøyskolen BI	150 875
Universitetet i Bergen	745 014
Sum tilskotsutbetaling 2022	645 235

* Det gjestod 168 577 kroner når alle forpliktingar til Prisreguleringsfondet var oppgjort. I avtale med Nærings og Fiskeridepartementet vart 168 577 kroner utbetalt til forskingsprosjekt som var tildelt over post 70, for å tømme og avvikle fondet.

Note 3

Ved overdraging som sekretariat for fondet i 1999 hadde fondet pr 31.12 ein kontantbeholdning på kr 21,8 mill. Renteinntektene var på kr 1,3 mill. Opptent fondskapital er renteavkastning og utbetalinger i perioden frå overdraging av fondet. Ved utbetalinger frå fondet kan det nyttast både renter og innskoten kapital.